

# INUIT ATAQATIGIIT

## INATSISARTUNI



Aasiaat ull. 3. juli 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.  
(Inatsisartuni ilaasortaq Ane Hansen, Inuit Ataqatigiit)

### Apeqqutit:

- 1. Saarullit akiisa appasinnerpaaffilernissaanik Naalakkersuisut pilersaaruteqarpaat ?**
- 2. Sinerissap qanittuani saarullinniarnermi tunitsivitsigut ajornartorsiuteqarneq pillugu Naalakkersuisut pitsanguutissanik qanoq suliniuteqarpaat ?**
- 3. Saarullinniarnermi akit pitsanguutissaanik Naalakkersuisut sunik allanik suliniuteqarpaat ?**

### Tungavilersuutit.

Sinerissap qanittuani saarullinniarnermi aalisartunut akigitinneqartoq sinerissap ilaanni maanna kiilumut 3,00-kr.-mut apparsimavoq. Aalisartut saarullinniarneriinnarmik isumalluuteqartut eqqarsaatigalugit imminut akilersinnaangitsumik aalisartoqartoq tamanik takuneqarsinnaavoq. 2009-mi saarullit akii kiilumut 3,50 kr.-mut apparmata taamani Naalakkersuisuusut suliniuteqarnermikkut akit piffissami aaliangersimasumi tapiissuteqalernissaat Royal Greenlandip Naalakkersuisullu akornanni isumaqatigiinniutigineqarpoq. Maanna Naalakkersuisuut akit appasinnerpaaffiani tapiutissanik suliniuteqarpaat? Aamma saarullinniarnermi akit taamak appasitsigineranni tapersersuutissanik allanik sunik suliniuteqarpaat? Akit appasinnerpaaffissaanik Naalakkersuisut suliniuteqarnerlutik?